



Broj: 05-1021/20  
Sarajevo, 20.03.2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine FBiH“, broj: 75/17), člana 16. stav 1) tačka j) Statuta Agencije za bankarstvo Federacije BiH („Službene novine FBiH“, broj: 3/18) i člana 8. stavovi (1) i (2) Pravilnika o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj: 66/16), direktor Agencije za bankarstvo Federacije BiH donosi

## **ODLUKU**

### **o izboru kvalifikovanih ponuđača za javnu nabavku pravnih usluga**

#### **I.**

Za kvalifikovane ponuđače u postupku javne nabavke pravnih usluga za potrebe Agencije za bankarstvo Federacije BiH u 2020. godini, biraju se slijedeći ponuđači:

- Advokat Mak Radičić, Sarajevo;
- Advokatska kancelarija “Vila Nermin”, Sarajevo;
- Advokat Amela F. Filipović, Sarajevo;
- Zajednički odvjetnički ured “Paponja-Bunoza” i odvjetnik Nikica Bubalo, Mostar;
- Advokatsko društvo “Marić & CO”, Sarajevo;
- Advokat Edvin Agić, Tuzla;
- Zajednička advokatska kancelarija “Damir Katica i Amin Hasović”, Sarajevo;
- Advokat Femil Čurt, Sarajevo.

#### **II.**

Ponuđači iz tačke I. ove odluke dostavili su prihvatljive ponude po Pozivu za dostavu ponuda za nabavku pravnih usluga, objavljenom na internetskoj stranici Agencije za bankarstvo Federacije BiH 28.02.2020. godine, koje u cjelosti zadovoljavaju zadane kvalifikacijske uslove za sudjelovanje u predmetnom postupku nabavke.

#### **III.**

Agencija će, kada se ukaže potreba za nabavkom usluga, za svaku uslugu u skladu sa pojedinačnim potrebama, vršiti izbor između prijavljenih ponuđača, odnosno dostavljenih ponuda, cijeneći pritom – u svakom pojedinačnom slučaju, specifičnost i kompleksnost nabavke, kao i vrijednost sudskih sporova, uvažavajući i pravnu oblast u koju su svrstane usluge koje su predmet nabavke.

#### **IV.**

U skladu sa članom 45., tačke c) i d) Zakona o javnim nabavkama i tačkom 6., podtačkom 6.1 Poziva za dostavu ponuda za nabavku pravnih usluga, u svrhu dokazivanja lične sposobnosti kvalifikovani ponuđači obavezni su dostaviti dokaze u svrhu dokazivanja činjenica potvrđenih u izjavi, u roku od 5 (pet) dana od dana prijema odluke o izboru kvalifikovanih ponuđača.

## V.

Za realizaciju ove odluke zadužuju se Sektor za pravnu podršku i licenciranje i Sektor zajedničkih funkcija.

## VI.

Ova odluka stupa na snagu danom donošenja i bit će objavljena na internetskoj stranici Agencije, u skladu sa članom 70. Zakona o javnim nabavkama, istovremeno sa upućivanjem iste ponuđačima koji su sudjelovali u predmetnom postupku javne nabavke.

## OBRAZLOŽENJE

U skladu sa odredbama Zakona o javnim nabavkama, dana 28.02.2020. godine na internetskoj stranici Agencije za bankarstvo Federacije BiH ([www.fba.ba](http://www.fba.ba)) objavljen je Poziv za dostavu ponuda za javnu nabavku pravnih usluga za potrebe Agencije za bankarstvo Federacije BiH u toku 2020. godine, u periodu do 31.12.2020. godine, procijenjene vrijednosti 42.000,00 KM bez poreza na dodanu vrijednost (PDV).

Kako su prema odredbama člana 8. Zakona o javnim nabavkama usluge ove vrste svrstane u kategoriju usluga za koje se primjenjuje poseban režim javne nabavke, pri provođenju nabavne procedure odabran je postupak javne nabavke usluga u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama.

Nakon izvršenog pregleda svih ponuda, odnosno provjere dokumentacije koju su ponuđači priložili uz iste, utvrđeno je da sve pristigle ponude u cjelosti ispunjavaju zadane kvalifikacijske uslove za sudjelovanje u ovom postupku nabavke, te je odlučeno da se za nabavku pravnih usluga za potrebe Agencije u 2020. godini (kao kvalifikovani učesnici u ovom postupku) odaberu ponuđači iz tačke I. ove odluke.

Na osnovu svega navedenog, odlučeno je kao u dispozitivu.

### POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove odluke. Žalba se izjavljuje ugovornom organu – Agenciji za bankarstvo Federacije BiH u pisanoj firmi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- ponuđačima u postupku;
- a.a.

